



Broj: 12/08-23-12541-8-1/23

Zenica, 13.09.2023. godine

1. MODUS PROJEKT d.o.o. Kakanj
2. ARTING BH d.o.o. Sarajevo
3. TKM d.o.o. Zenica
4. AG KONSTRUKT d.o.o. Žepče

PREDMET: Obavještenje o rezultatima postupka, dostavlja se

U konkurentskom postupku javne nabavke za **LOT 3 - Usluge građevinskog nadzora na radovima R465 Zavidovići- Maglaj Izgradnja pješačke staze i sanacija kolovoza**, ponuda **MODUS PROJEKT d.o.o. Kakanj** ocijenjena je kao najpovoljnija.

Nakon što je Komisija obavila postupak pregleda i ocjene ponuda u skladu sa propisanim kriterijem u tenderskoj dokumentaciji sačinjen je poredak prihvatljivih ponuda, odnosno rang lista i to kako slijedi:

R/br	Ponudač	Ukupna cijena ponude bez PDV-a	Dati popust	Ukupna cijena ponude sa popustom bez PDV-a
1.	MODUS PROJEKT d.o.o. Kakanj	4.004,00 KM	-	4.004,00 KM
2.	Grupa ponuđača TKM d.o.o. Zenica i Infra d.o.o. Sarajevo	4.940,00 KM	-	4.940,00 KM
3.	ARTING BH d.o.o. Sarajevo	5.132,40 KM		5.132,40 KM

Ugovorni organ prihvatio je preporuku Komisije, te će u skladu sa odredbama Zakona o javnim nabavkama BiH zaključiti ugovor sa ponuđačem **MODUS PROJEKT d.o.o. Kakanj**, čija je ponuda ocijenjena kao najuspješnija.

U skladu sa članom 71. stav (2) Zakonom o javnim nabavkama BiH ("Službeni glasnik BiH" broj: 39/14 i 59/22) dostavljamo vam i Odluku o izboru najpovoljnijeg ponuđača i Zapisnik o pregledu i ocjeni ponuda.

S poštovanjem.

PRILOZI:

- 1 x Odluka o izboru najpovoljnijeg ponuđača broj: 12/08-23-12541-8/23
- 1 x Zapisnik o pregledu i ocjeni ponuda broj: 12/08-23-12541-5/23

Dostavljeno:

- 4 x ponuđačima,
- 1 x a/a.

Obradio:
Emrah Žuna





Broj: 12/08-23-12541-8/23
Zenica, 13.09.2023. godine

Na osnovu člana 70. Zakona o javnim nabavkama ("Službeni glasnik BiH" broj: 39/14 i 59/22) i Zapisnika o pregledu i ocjeni ponuda sa preporukom, broj: 12/08-23-12541-5/23 od 08.09.2023. godine, u konkurentskom zahtjevu za nabavku usluga broj: 1417-7-2-15/23 od 11.08.2023. godine, direktor Kantonalne direkcije za ceste Zeničko-dobojskog kantona, donosi

ODLUKU
o izboru najpovoljnijeg ponuđača

I

U konkurentskom postupku javne nabavke za **LOT 3 - Usluge građevinskog nadzora na radovima R465 Zavidovići- Maglaj Izgradnja pješačke staze i sanacija kolovoza.**, ponuda ponuđača **MODUS PROJEKT d.o.o. Kakanj** (broj: 01-9/23-P od 01.09.2023. godine) sa ponuđenom cijenom od 4.004,00 KM (bez PDV-a) izabrana je kao najpovoljnija.

II

Ponuđač **MODUS PROJEKT d.o.o. Kakanj** (ID broj: 4218878030001), adresa ul. Alije Izetbegovića bb, 72240 Kakanj dužan je dostaviti dokumente iz člana 45. stav (2) tačka od a) do d) Zakona o javnim nabavkama BiH („Službeni glasnik BiH“ broj 39/14 i 59/22) navedene u tački 2.3. tenderske dokumentacije i to u roku od 3 (tri) dana od dana zaprimanja Odluke o izboru najpovoljnijeg ponuđača. Ugovorni organ će odbaciti ponudu ponuđača u slučaju da izabrani ponuđač propusti blagovremeno dostaviti validne dokumente iz prethodnog stava ove tačke, te će prijedlog ugovora dostaviti onom ponuđaču čija je ponuda po rang- listi odmah nakon ponude najuspješnijeg ponuđača.

III

U skladu sa članom 98. stav (4) Zakona o javnim nabavkama BiH („Službeni glasnik BiH“ broj: 39/14 i 59/22) ugovorni organ zaključit će ugovor sa najpovoljnijim ponuđaču iz tačke I i II ove Odluke nakon isteka roka od 10 (deset) dana od dana kada su svi ponuđači obavješteni o izboru najpovoljnije ponude.

IV

Ponuda ponuđača **AG KONSTRUKT d.o.o. Žepče** se u skladu sa članom 68. stav (4) tačka i) Zakona o javnim nabavkama BiH („Službeni glasnik BiH“ broj: 39/14 i 59/22), odbacuje jer nije potpuna i ne ispunjava zahtjeve iz tenderske dokumentacije.

V

Odluka će se objaviti na službenoj stranici ugovornog organa www.zdk.ba istovremeno s upućivanjem odluke ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama BiH.

Obrazloženje

Postupak nabavke pokrenut je Odlukom broj: 12/08-23-12541/23 od 09.08.2023. godine. Javna nabavka provedena je po konkurentskom zahtjevu za nabavku usluga u skladu sa članom 87., 88., i 89.. Zakona o javnim nabavkama BiH („Službeni glasnik BiH“ broj: 39/14 i 59/22). Obavještenje o nabavci broj: 1417-7-2-15/23 objavljeno je na Portalu javnih nabavki 11.08.2023. godine. Komisija za javne nabavke imenovana rješenjem broj: 12/08-23-12541-1/23 od 09.08.2023.godine, ugovornom organu blagovremeno je dostavila zapisnike o otvaranju i o pregledu i ocjeni pristiglih ponuda. U predviđenom roku za dostavljanje ponuda za LOT 3 pristigle su 4 (četiri) ponude.

U postupku pregleda i ocjene pristiglih ponuda, Komisija je izvršila provjeru pristiglih ponuda i konstatovala:

Ponuda ponuđača AG KONSTRUKT d.o.o. Žepče za LOT 3 se odbacuje jer dostavljena

dokumentacija za dokazivanje profesionalne i tehničke sposobnosti ne odgovara odredbama tačke 2.9.1. a) i b) tenderske dokumentacije. Predmetnom tačkom propisana je forma i način dostavljanja **spiska izvršenih ugovora i potvrde** naručioca o uspješno izvršenim uslugama, te u slučaju da se iz objektivnih razloga ne može dobiti potvrda od ugovorne strane, može se dostaviti i **izjava ponuđača o uredno izvršenim ugovorima**, uz dostavljanje dokaza o učinjenim pokušajima da se potvrde osiguraju (zahtjev za izdavanje potvrde uz dokaz da je izvršena uredna dostava zahtjeva i sl.).

Naime, kao dokaz nemogućnosti dostavljanja potvrde od ugovorne strane ponuđač je na 21. strani ponude dostavio Zahtjev za izdavanje potvrde (broj:01/08.2023 od 31.08.2023. godine) i kopiju uplatnice kantonalne takse od 31.08.2023. godine (na strani 22.), a što se ne može prihvatiti kao validan i kompletan dokaz o pokušaju blagovremenog pribavljanja tražene potvrde. Također, ponuđač je propustio da dostavi Izjavu ponuđača o uredno izvršenim ugovorima, a što je u suprotnosti sa uslovima iz tački 2.9.1 a) tenderske dokumentacije, jer nije uspio dokazati da je uredno izvršio dostavu zahtjeva.

Tačkom 2.9.1 podtačka b) tenderske dokumentacije propisano je da ponuđači trebaju dostaviti **Izjavu o angažovanom tehničkom osoblju**, odnosno da imaju zaposleno lice ili da mogu obezbijediti angažovanje diplomiranog inženjera građevine sklapanjem poslovnih ugovora sa pravnim ili fizičkim licima registrovanim za poslove projektovanja i/ili građenja – diplomiranog inženjera građevine sa položenim stručnim ispitom i pet (5) godina radnog iskustva. Ponuđač AG KONSTRUKT d.o.o. Žepče propustio je dostaviti Izjavu o angažovanom tehničkom osoblju, zbog čega nije dokazao da ispunjava uslove iz tačke 2.9.1. b) tenderske dokumentacije.

U skladu sa tačkom 6. tenderske dokumentacije, a na osnovu kriterija najniža cijena tehnički ispravne ponude, Komisija je izvršila rangiranje ponuda kako slijedi:

R/br	Ponuđač	Ukupna cijena ponude bez PDV-a	Dati popust	Ukupna cijena ponude sa popustom bez PDV-a
1.	MODUS PROJEKT d.o.o. Kakanj	4.004,00 KM	-	4.004,00 KM
2.	Grupa ponuđača TKM d.o.o. Zenica i Infra d.o.o. Sarajevo	4.940,00 KM	-	4.940,00 KM
3.	ARTING BH d.o.o. Sarajevo	5.132,40 KM		5.132,40 KM

Komisija je jednoglasno predložila ugovornom organu, da donese Odluku o odabiru najpovoljnije ponude za ponuđača MODUS PROJEKT d.o.o. Kakanj. Ugovorni organ prihvatio je preporuku Komisije za javne nabavke da se najpovoljnijem ponuđaču dodijeli ugovor za Usluge građevinskog nadzora na radovima R465 Zavidovići- Maglaj Izgradnja pješačke staze i sanacija kolovoza.

Zbog svega naprijed navedenog odlučeno je kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ministarstva za prostorno uređenje, promet i komunikacije i zaštitu okoline Zeničko-dobojskog kantona - Kantonalna direkcija za ceste, u roku od 5 (pet) dana od dana prijema ove Odluke, na način propisan članom 99. Zakona o javnim nabavkama BiH („Službeni glasnik BiH“ 39/14 i 59/22).

Dostavljeno:

4 x ponuđači,
1 x a/a

